

REFERAT IIIA - Isumaginninnermut Inunnullu Innarluutilinnut Ataatsimiititaq d. 11-08-2025

Mødedato Mandag d. 11. august 2025 kl. 16:00

Mødested Kommunalbestyrelsep ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Suliffeqarnermut Isumaginninnermullu Kiffartuussivik pillugu ukiup affakkuutaartumik killiffik, ju	8
Isumaginninnermut Aqutsisoqarfiup ulloq unnuarlu neqeroorutaannut inassuteqaat.....	11
2025-mi kvartaalit aappaanni pissaanermik atuisimaneq pillugu nalunaarutininik ilisimatitsissut.....	13
Kajumissuseq tunngavigalugu isumaginninnermi sulinnermut tapiissutininik agguaanerup killiffia.....	16
2025-mi Inuit innarluutillit pillugit siunnersuisooqatigiinnut sivitsuigallarneq imaluunniit qinersine	18
Isumaginninnermut Inunnullu Innarluutilinnut Ataatsimiititap suleriaasissaata nutarternera.....	21
Inunnut tarnikkut ilungersuuteqartunut suussuserneqarsimanngitsunilli ornittakkamik suliniummik	23
Tamalaat.....	27
Imaqarniliap akuerineqarnera.....	29

Punkt .: Saqqaa

Ilaasortat:

Justus Hansen (D)

Lone Rosengreen Pedersen (IA)

Ida Julie Andersen (IA)

Mala Høy Kúko (S)

Laura Tâunajik Uitsatikitseq (S)

Beslutning

Ataatsimeeqataasut:

Lone Rosengreen Pedersen (IA)

Ida Julie Andersen (IA)

Attaveqaatitigut peqataasut:

Justus Hansen (D), siulittaasoq

Mala Høy Kúko (S)

Dorthe-Marie Mogensen-Fontain (S) Laura Tâunajik Uitsatikitseq-imut sinniisuuvoq (S)

Ataatsimeeqataasinnaanatik nalunaartut:

Laura Tâunajik Uitsatikitseq (S)

Mala Høy Kúko (S) nal. 14.50 ataatsimiinnermi peqataajunnaarpoq.

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Nalunaaruteqanngilaq.

Punkt 1: Suliffeqarnermut Isumaginninnermullu Kiffartuussivik pillugu ukiup affakkuutaartumik killiffik, juuli - decembari 2024

Beslutning

Ilisimatitsissut tusaatissatut tiguneqarpoq.

Bilag

Ukiup affakkaartumik Suliffeqarnermut Isumaginninnermullu Kiffartuussivik pillugu killiffik juuli - decembari 2024

Suliffeqarnermut Isumaginninnermullu Kiffartuussivik pillugu ukiup affakkuutaartumik killiffik, juuli - decembari 2024

Ilisimatitsissut

SagsID.: EMN-2025-00182

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititaq inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit Suliffeqarnermut aamma Inunnik Isumaginninnermi Kiffartuussivik pillugu ukiup affakkuutaartumik ilisimatitsissutigineqartarpoq, suliatigut aningaasatigullu kisitsisitigut paasissutissat pingaernerit aamma allaffeqarfimmit isiginninnerit pillugit. Taanna ukiup affakkuutaartumik killiffik piffissami 2024-mi juulimiit decembarimut atuuppoq. Killiffik ilanngussaniippoq.

Suliffeqarnermut Isumaginninnermullu Kiffartuussivimmi sulialik ataatsimiititami ataatsimiinnermi najuutissaaq, taamaalilluni ataatsimiititamit itinerisunik apeqquteqarnissamut periarfissaqartoqarniassammat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Suliffissanut, ilitsersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. decembari 2015-imeersoq
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juuni 2014-imeersoq
- Kalaallit Nunaanni ilinniartitaanermit inuussutissarsiuutinillu siunnersuisarneq pillugu Namminersorlutik Oqartussat inatsisaat nr. 4, 29. novembari 2013-meersoq
- Suliffissarsiortunut ikiorsiissutit pillugit Inatsisartut Inatsisaat nr. 7, 20. juuni 2022-meersoq
- Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. novembari 2001-imeersoq
- Piginnaanngorsaaqqinnissamut ikiorsiisarneq pillugu Inatsisartut peqqussutaat nr. 4, 31. maaji 2001-imeersoq
- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktobari 1992-imeersoq
- Majorianik ingerlatsineq pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni Angusanut isumaqatigiissutaat 2022-2024
- Siusinaartumik pensionisiat pillugit Inatsisartut inatsisaat nr. 40, 9. decembari 2015-imeersoq
- Utoqqalinersiaqarneq pillugu Inatsisartut inatsisaat nr. 20, 23. novembari 2015-imeersoq
- Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. decembari 2015-imeersoq
- Suliffissarsiortunut ikiorsiissutit pillugit Inatsisartut Inatsisaat nr. 7, 20. juuni 2022-meersoq
- Pisortanit ikiorsiissutit pillugit Inatsisartut inatsisaat nr. 6, 20. juuni 2022-meersoq



- Kommuneqarfik Sermersuumi Isumaginnittoqarfik aqutigalugu inissamik innersuussisarneq pillugu ileqqoreqqusaq 2018-imeersoq
- Isumaginnittoqarfiup aqunneqarnera aaqqissuussaanelu pillugit Inatsisartut peqqussutaat nr. 11, 2. novembari 2001-imeersoq tassunga ilanngullugit isumaginnittoqarfiup aqunneqarnerat aaqqissuussaanelu pillugit kingorna allannguutit

Ilanngussat

1. Ukiup affakkaartumik Suliffeqarnermut Isumaginninnermullu Kiffartuussivik pillugu killiffik juuli - decembari 2024

Punkt 2: Isumaginninnermut Aqutsisoqarfiup ulloq unnuarlu neqeroorutaannut inassuteqaat

Beslutning

Ilisimatitsissut tusaatissatut tiguneqarpoq.



Isumaginninnermut Aqutsisoqarfiup ulloq unnuarlu neqeroorutaannut inassuteqaat

Ilisimatitsissut

SagsID.: EMN-2025-02105

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Innuttaasumit isumaginninnermut aqutsisoqarfiup ulloq unnuarlu neqeroorutaannut inissiinissamik innersuussineq Suliffeqarnermut Isumaginninnermullu Ingerlatsivimmi pisortap akuersissutigaa, innersuussutigalugu Inuit innarluutillit tapersersorneqarnissaannut Inatsisartut inatsisaat nr. 13, 12. juuni 2019-imi § 48. Maannakkut innuttaasoq meeqqat tapersersorneqarnissaannut inatsit malillugu inissinneqarsimavoq, pineqartulli piginnaasaasa annikillisisimanagera annertummat inissiinnermut tunngaviusoq inuit innarluutillit pillugit inatsit tunngavigalugu allangortinneqarpoq.

Ingerlatsivimmit aningaasatigut sulisoqarnikkullu naliliinerit

Innersuussinikkut akigititanut aningaasartuutit amerlanerulernerannik kinguneqarpoq.

Aningaasartuutit Ingerlatsivimmit massakkut missingersuutigineqartut iluanni akilerneqarsinnaasoq naatsorsuutigineqarpoq.

Missingersuusioneremut Naatsorsuusioneremullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

Soqanngilaq.

Punkt 3: 2025-mi kvartaalit aappaanni pissaanermik atuisimaneq pillugu nalunaarutinik ilisimatitsissut

Beslutning

Ilisimatitsissut tusaatissatut tiguneqarpoq.

2025-mi kvartaalit aappaanni pissaanermik atuisimaneq pillugu nalunaarutininik ilisimatitsissut

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Isumaginninnermut Inunnullu Innarluutilinnut Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Ataatsimiititaq pissaanermik atuineq pillugu nalunaarutininik kvartalikkaartumik ilisimatinneqartarpoq, tassani paasissutissat ilisimatitsissummik nalunaaruteqarnermi immersukkat atorlugit katersorneqartarlutik. Pissaanermik atuisimaneq takussutissaliorneqartarpoq, pissaanermik atuisoqarsimanermut tunngasunik suliartoqartillugu innuttaasut sulisullu perorsaanermut tunngasunik suliartigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq qulakkeerumallugu.

Inunnullu innarluutilinnut tarnimikkullu nappaatilinnut suliqaarfimmum nalunaarutiginnittarnerit

Nalunaarutigineqartut suuneri	Piffissami aprili-juuni 2025-mi amerlassusii
§ 38 - Aalajangerlugu tigummininneq imaluunniit allamukaassineq	6
§ 39 - Eqqiluutsuutitsinissamik aalajangiusimasaqarneq	-
§ 43 – Najugarisami tigummisaaneq	-
§ 40 – Ujatsiutaasamik annoraaminermik atuineq	-

Nalunaarutiginninnermik malitseqartitsineq

Pissaanermik atuinerit amerlassusaasa qaffiarnerinut pissutaavoq, innuttaasup ataatsip piffissami atugarliorsimanera aamma tamanna pissutigalugu sakkortuumik qisuariartarsimanera. Pissaanermik atuinerit tassaasimapput innuttaasumik ikiuineq assersuinerlu, taamaalilluni nammineq imminut ajoqusinnginniassammata, aamma najugaqartut allat aamma sulisut ajoqusinnginniassammata. Perorsaanermi suliniuteqarneq ikiuutaasimavoq, innuttaasullu atugarissaarnera pitsanngoriarsimalluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmum Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8 20. november 2022-meersoq



Ilangussat
Soqanngilaq.

Punkt 4: Kajumissuseq tunngavigalugu isumaginninnermi sulinermut tapiissutinik agguaanerup killiffia

Beslutning

Ilisimatitsissut tusaatissatut tiguneqarpoq.

Kajumissuseq tunngavigalugu isumaginninnermi sulinnermut tapiissutinik agguaanerup killiffia

Ilisimatitsissut

SagsID.: EMN-2025-01407

Suliffeqarnermut Isumaginninnermullu ingerlatsivik - Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik isumaginninnikkut nammineq kajumissutsimik suliaqartunut ukiumoortumik tapiissuteqartarpoq. Peqatigiiffinnik, kattuffinnik inuilluunniit ataasiakkaat inuuniarnermikkut ajornartorsiuteqartut sammisassaqaartinnissaannut suliniuteqartunut aningaasaliissuteqarnissaq siunertaavoq.

Suliffeqarnermut Isumaginninnermullu Ingerlatsivik ukiumut marloriarluni (juunimi oktobarimilu) qinnuteqaatinik tiguneqartunik suliaqartarpoq. Suliffeqarnermut Isumaginninnermullu Ingerlatsivimmit juunip qaammataani qinnuteqaatit arfinillit tiguneqarput, taakkunanngalu tallimat akuersissutigineqarlutik:

- NSSP sammisassanut assigiinngitsunut tunineqarpoq 31.500 koruunit, tassunga ilanngullugit ilaasortat angalaarnerannut ullaakkorsiutissaannullu
- Sugisaq tunineqarpoq 33.500 koruunit, inunnut tarnikkut nappaatilinnut innarluutilinnullu ilaqutaasunut qanigisaasunullu stresserinnermut pitsaaliuineq pillugu pikkorissarnissaannut
- Sugisaq tunineqarpoq 24.000 koruunit, inunnut tarnikkut nappaatilinnut inuit innarluutilinnullu ilaqutaasunut qanigisaasunullu qaammatikkaartumik supervisionertitsisarnermut
- Sugisaq tunineqarpoq 12.000 koruunit, inuit tarnikkut nappaatillit aamma innarluutillit 12-it Qooqqunut angalaarnissaannut.
- Kangillinnguit Atuarfiat tunineqarpoq 30.000 koruunit, atuartut aningaasaqarnikkut pisariaqartitsisut ineriartuutaasumik angalanissaannut

Ingerlatsivimmit aningaasatigut sulisoqarnikkullu naliliinerit

Ukiumut tapiissutinut aningaasanut atugassatut 201.000 koruunit immikkoortinneqartarput. Siullermeernermi katillugit 131.000 koruunit atorneqarput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Peqatigiiffinnut isumaginninnermik suliaqartunut tapiissutinut piomasaaqatit; Inunnik isumaginninnikkut ikiuinissaq siunertaralugu kajumissutsimik suliaqartunut tapiissutit

Ilanngussat

Soqanngilaq.

Punkt 5: 2025-mi Inuit innarluutillit pillugit siunnersuisooqatigiinnut sivitsuigallarneq imaluunniit qinersineq nutaaq

Beslutning

Inassuteqaat 1 akuerineqarpoq.

2025-mi Inuit innarluutillit pillugit siunnersuisooqatigiinnut sivitsuigallarneq imaluunniit qinersineq nutaaq

Aalajangiiffigisassaq

SagsID: EMN-2025-2023-02055

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. 2025-p ukiaanerani Inuit innarluutillit pillugit siunnersuisooqatigiinnut nutaamik qinersititsinissaq akuersissutigineqassasoq *imaluunniit*
2. Maannakkut Inuit innarluutillit pillugit siunnersuisooqatigiit atuukkallartut ingerlaqqiinnarallarnissaat akuersissutigineqassasoq

Suliassamik saqqummiussineq

Suliffeqarnermut Isumaginninnermullu Ataatsimiititamit ulloq 3. decembari 2024-mi Inuit innarluutillit Pillugit Siunnersuisooqatigiit ilaasortaanerat sivitsorneqarallassasoq akuersissutigaat. Inuit innarluutillit tapersorneqartarnerat pillugu Inatsisartut inatsisaannut siunnersuut Inatsisartuni suliarineqarnera taamatut aalajangernermut pissutaavoq. Piffissami tassani inatsisartut inatsisaat ulloq 1. juuli 2025-mi atuutilernissaa naatsorsuutaavoq, taamaalilluni siunnersuisooqatigiit atuunnerat ukiup affaata missaanik sivitsorneqarpoq.

Inatsisissatut siunnersuummi siunnersuisooqatigiit katitigaanerata allangortinneqarnissaa siunertaavoq. Suliffeqarnermut Isumaginninnermullu Ataatsimiititamit inatsisip atuutilernissaata tungaanut sivitsuigallarneq iluaqutaasussatut nalilerneqarpoq, taamaalilluni siunnersuisooqatigiinni qinersineq inatsisinut aalajangersakkat nutaat malillugit ingerlanneqassalluni. Inuit innarluutillit pillugit siunnersuisooqatigiinnut ileqqoreqqusaq malillugu ilaasortat atuuffiat kommunalbestyrelsi qinigaaffia malillugu atuuttarpoq, taamaattumik kommunimut qinersisoqarnerani siunnersuisooqatigiinnut qinersisoqartussaagalarpoq. Taamatuttaaq inatsimmut nutaamut ikaarsaariarnermut sivitsuineq ataqatigiissitsillunilu inatsisissatut siunnersuut tunngavigalugu nutaamik ileqqoreqqusamik suliaqarnermi siunnersuisooqatigiit peqataatinneqarnissaat periarfissaassaaq.

Ulloq 11. marsi 2025-mi Inatsisartunut qinersinerup kingorna inatsisissatut siunnersuutip suliarineqarnera unitsinneqarpoq. Inuit innarluutillit tapersorneqarnissaat pillugu inatsisissatut siunnersuut nutaaq 2026-mi Inatsisartut upernaakkut ataatsimiinneranni suliarineqarnissaa naatsorsuutaavoq. Inatsit nutaaq qaqugu atuutilissanersoq kiisalu siunnersuisooqatigiit katitigaaneranut assingusumik allanguteqartoqassanersoq suli nalunarpoq.

Isumaginninnermut Inunnullu Innarluutilinnut Ataatsimiititamit siunnersuisooqatigiit ilaasortaaffiat sivitsorneqarnissaa attanneqassasoq aalajangerneqarpat, inuit innarluutillit pillugit inatsisip nutaap akuersissutigineqarneranut atatillugu nutaamik qinersisoqassaaq. Tamanna 2026-mi 2027-miluunniit pisinnaavoq. Taamatuttaaq 2029-mi kommunimut qinersisoqarneranut atatillugu inuit innarluutillit Siunnersuisooqatigiinnut qinersisoqassaaq. Maannakkut Siunnersuisooqatigiinnut atuuttut ikaarsaariarnermi ingerlaannarsinnaallutik sionatigut oqaatigereerpaat. Isumaginninnermut Inunnullu Innarluutilinnut Ataatsimiititamit inuit innarluutillit pillugit inatsisip akuersissutigineqannginnerani Inuit Innarluutillit pillugit siunnersuisooqatigiinnut qinersinissaq aalajangerneqassappat 2025-mi ukiakkut qinersisoqassaaq.

Ingerlatsivimmit aningaasatigut sulisoqarnikkullu naliliinerit



Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- Innarluutillit pillugit siunnersuisoqatigiit ileqqoreqqusaat
- Inuit innarluutillit pillugit siunnersuisooqatigiit suleriaasiat

Ilanngussat

Soqanngilaq.

Punkt 6: Isumaginninnermut Inunnullu Innarluutilinnut Ataatsimiititap suleriaasissaata nutarternera

Beslutning

Inassuteqaat akuersissutigineqarpoq.

Bilag

2025-2029 Forretningsorden for IIIA_KAL.docx

Kommunalbestyrelsep aalajangernera 5. oktobari 2021-meersoq

Isumaginninnermut Inunnullu Innarluutilinnut Ataatsimiititap suleriaasissaata nutarternera

Aalajangiiffigisassaq

SagsID: EMN-2024-03409

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit Allatseqarfianit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. Suleriaasissaq nutartigaq akuersissutigineqassasoq

Suliassamik saqqummiussineq

Isumaginninnermut Inunnullu Innarluutilinnut Ataatsimiititap suleriaasissaanut ilanngussat makku pineqarput:

- § 2, imm. 6-imut ilassut ataatsimiititami siulittaasoq ataatsimiititap ataatsimiinnerini najuulluni peqataanissamut periarfissaqartoq aamma angalanernut ineqarnermullu aningaasartuuteqassappat kommunip aningaasartuutit isumagissagai.

Tunngavilersuut: Aalajangerneq Kommunalbestyrelsimi ulloq 5. oktobari 2021-mi pivoq.

- § 6, imm. 2-mut naqqiut siulittaasup peqannginnerani siulittaasup tullia ataatsimiinneq aqussagaa.

Ataatsimiititap sulinerata erseqqissuunissaa qulakkeerniarlugu kiisalu siulittaasup peqataanera pillugu Kommunalbestyrelsip aalajangernera erseqqissuutinniarlugu, allannguutit suliarineqarput.

Ingerlatsivimmit aningaasatigut sulisoqarnikkullu naliliinerit

Suleriaasissap nutarterneqarnera aningaasatigut nukissatigulluunniit kinguneqanngilaq.

Missingersuusionermut Naatsorsuusionermullu Immikkoortortamit aningaasatigut nalililineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Kommunalbestyrelsip aalajangernera 5. oktobari 2021-meersoq

Ilanngussat

1. Isumaginninnermut Inunnullu Innarluutilinnut Ataatsimiititap suleriaasissaa, aggusti 2025

2. Kommunalbestyrelsip aalajangernera 5. oktobari 2021-meersoq

Punkt 7: Inunnut tarnikkut ilungersuuteqartunut suussuserneqarsimannngitsunilli ornittakkamik suliniummik pilersitsinissaq

Beslutning

Inassuteqaat 1 aamma 3 akuersissutigineqarput.

Bilag

Inunnut tarnikkut ilungersuuteqartunut suussuserneqarsimannngitsunilli ornittakkamik suliniummik pilersitsinissamik qulaajaaneq

Suliniuummi ornittakkap ingerlariaqqinnissaanut siunnersuutip takussutissartaa

Inunnut tarnikkut ilungersuuteqartunut suussuserneqarsimannngitsunilli ornittakkamik suliniummik pilersitsinissaq

Aalajangiiffigisassaq

SagsID.: EMN-2025-00212

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamat inassuteqaatigineqarpoq:

1. suliniummi ornittakkap kinguartinneqarnissaa akuersissutigineqassasoq, neqeroorummut amerlanerusunik aningaasaliisoqarnissaata tungaanut *imaluunniit*
2. suliniummi ornittagaq pilersinneqassanngitsaq
3. suliaq Aningaasaqarnermut Inuusutissarsiornermullu Ataatsimiititamat Kommunalbestyrelsimillu aalajangiiffigisassanngorlugu ingerlateqqinneqassasoq

Suliassamik saqqummiussineq

2025-mut missingersuutit pillugit isumaqatigiisummi Kommunalbestyrelse ukiumut 800.000 kr.-nik illikartitsivoq inunnut tarnikkut ilungersuuteqartunut suussuserneqarsimannngitsunilli ornittakkamik suliniummik pilersitsinissamat ingerlatsinissamullu 2025-miit 2027-mut atugassanik.

Suliffeqarnermut Isumaginninnermullu Ingerlatsivik juuli 2025-miit suliniummi ornittakkamik nutaamik pilersitsinissamat periarfissanik qulaajaavoq aammalu suliassaqaqfiup iluani avataani soqutigisalinnik arlalinnik paasissutissanik katersaqarluni (takuuk ilanngussaq 1).

Tamanna tunngavigalugu ingerlatsivimmiit nalilernerqarpoq, maannakkut missingersuutini sinaakkutit piffissaliussallu iluanni suliniummi ornittakkamik pilersitsinissaq piviusorsiortuunngitsaq. Taamaattumik sinaakkutissat, sullitat aammalu qulaajaaneq tunngavigalugu suliniummi ornittakkap siunertaa pillugit poitikkikkut suli annertunerusumik nassuiaateqartoqartariaqarpoq eqqortumik suliatigut suliniuteqartoqarnissaa aammalu sullitanut sunniutissai aammalu siunissami suliniummi ornittakkap aaqqissuunneqarnissaa pillugu aalajangiisoqarnissaa qulakkeerniarlugit.

Qulaajaanermi inerniliinerit pingaarnerit

Qulaajaanermi inerniliunerqarpoq, Nuummi innuttaasunut tarnimikkut ilungersuuteqartunut neqeroorutininik amerlanerusunik pisariaqartitsisoqartoq, kisiannili suliniummi ornittagaq ingerlanneqassappat aningaasaliissutit illikartinneqartut ikippallaartut. Tamatuma saniatigut sullitarineqartussanut tunngasoq ersernerluppoq, aammalu sulineri innuttaasut tarnimikkut nappaataat suussusersineqarsimannngitsut, kingunerlutsitsisut, atornerluinerimik ajornartorsiuteqartut allallu immikkoortikkuminaassapput. Qulaajaanermi inerniliinerit pingaarnerit ataani erseqqissaatigineqarput

Sullitassat

Suliniuummi ornittakkami ukkatarineqartariaqarput innuttaasut ilungersunartorsiortut tarnikkut nappaataat nappaataat suussusersineqarsimasut aammalu suussusersineqarsimannngitsut. Innuttaasut nutaat angunissaat ajornakusoorsinnaasoq naatsorsuutigineqarpoq, neqeroorutininik pioreersunik atuinngitsut, aammalu suliniuummi ornittagaq neqeroorutininut tamakkununga tapertaassagunartoq. Inuusuttut Nuummiittut 35-t inorlugit ukiullit, suliniuteqareeneri sullinneqareersimasut kommunimit tapersorsorneqarunnaartut attaveqarunnaartullu, sullitarineqarsinnaasutit eqqaaneqarput.

Aningaasat



Missingersuutitut sinaakkutarineqartut appasippallaarput sulisussat, init aammalu sammineqartartussat pisariaqartut aningaasalersorneqarnissaannut ingerlanneqarnissaannullu. Tamanna suliniummi ornittakkap ammasarnissaanut sammisassallu imarisaanut malunnartumik killiliissaaq, taamaanneratalu atuisunik orniginarsarneqarnissaa ajornakusoortilissallugu.

Neqeroorut

Sullitanut orniginarsarneqalersinniarlugu taakkulu ingerlalluarnissaat qulakkeerniarlugu, suliniummi ornittakkami ualikkut unnukkullu ammasarfiit aammalu igaffeqarnissaa pingaernerutinneqartariaqarput. Neqeroorummi sulisut atuisunik tatiginartumik attaveqariartornissamik ukkatarinnissapput. Tassunga atatillugu atuisut suliniummi ornittakkap anguniagai sammineqartartussallu pilersaarusiernerinut peqataatinneqartariaqarput, taamaallitutik misiginiassammassuk ornittakkami siunertaqarlutik naleqartitanillu pilersitsillutik.

Piginnaasat

Sulisut isumaginninnermut imaluunniit peqqissutsimut tunngasunik piginnaaneqassapput, pingaartumik attaveqatigiinnerup annertusarneqarnissaanut aaqqiagiinnginnermilu suliaqarnermi. Maannakkorpiaq sulisunik taamatut ilinniagalinnik atorfinitsitsiniartarnejq attassiinnarnissarlu ajornakusoorpoq.

Suliniuummi ornittakkap ingerlariaqqinnissaanut siunnersuutit marluk

Suliffeqarnermut Isumaginninnermullu Ingerlatsivimmit qulaajaaneq tunngavigalugu suliniuummi ornittakkap ingerlariaqqinnissaanut marlunnik siunnersuuteqartoqarpoq (takuuk ilanngussaq 2).

Suliniuummi ornittagaq taamaatiinnarneqassasoq, amerlanerusunik aningaasaliissuteqartoqarnissaata tungaanut

Ingerlatsivimmit siunnersuutigineqarpoq, suliniuummi ornittakkami anginngitsumik pilersinnissaanut ullukkullu ammasarluni ingerlanneqarnissaanut 2,5 - 3 mio. kr.-it pisariaqartinneqartut, taamaassappat 1,7 - 2,2 mio. kr.-nik aningaasaleeqqittoqartariaqartoq. Missiliuusiamut ilanngunneqarput sulisunut aqutsisumullu aningaasarsiat, supervison aamma sulisunik pikkorissartitsinerit, ininik aserfallatsaaliinerit aammalu ingerlatsineq kiisalu atuisunut sammisassaqaqtitsineq. Periarfissaq taanna toqqarneqassappat, ingerlatsivimmit erseqqinnerusumik missingersuutitut saqqummiussisoqassaaq, politikikkut akuersissutigineqartussamik. Ilanngullugu ataatsimiititamit qulaajaanermi inerniliussat malinneqassapput ilaatigut neqeroorummi sullitat eqqarsaatigalugit.

Suliniuummi ornittagaq pilersinneqassanngilaq

Ingerlatsivimmiit nalilerneqarpoq, aningaasaliissutigineqartut ikippallaartut suliniuummi ornittakkamik pilersitsinissamut isumalimmillu ingerlatsinissamut. Periarfissaq taanna toqqarneqarpat, aningaasanik sulisunillu neqeroorutinullu allanut aamma kommunimi suliniutinut allanut atugassiissuteqartoqassaaq, soorlu ornigulluni sulinerit atugassanik. Ingerlatsivimmit ilassutitut aningaasaliissutit imaluunniit missingersuutinut siunnersuutit 800.000 kr.-it allamut nuunneqassapput, politikikkut pingaarnersiuerit naapertorlugit atorneqarsinnaaniassammata.

Ingerlatsivimmit aningaasatigut sulisoqarnikkullu naliliinerit

Suliffeqarnermut Isumaginninnermullu ingerlatsivik - politikikkut aalajangiineq apeqqutaatillugu - missingersuutinut isumaqatigiisummit aningaasaliissutit amerlineqarnissaannut imaluunniit nuunneqarnissaannut qinnuteqaateqarumaarpoq. Kommunimut aningaasartuutaassanngilaq aamma sulisutigit kinguneqassanngilaq.

Missingersuusiernerit Naatsorsuusiernerimullu Immikkoortortamit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi 2025-mut missingersuutit pillugit isumaqatigiissut
- Inuit innarluutillit tapersorsorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Angerlarsimaffeqanngitsunut periusissiaq
- Inuit innarluutillit pillugit politikki 2024-2028

Ilanngussat

1. Inunnut tarnikkut ilungersuuteqartunut suussuserneqarsimangitsunilli ornittakkamik suliniummik pilersitsinissamik qulaajaaneq
2. Suliniummi ornittakkap ingerlariaqqinnissaanut siunnersuutip takussutissartaa

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.15.

